

- महिला आरक्षण विधेयक माथे राज्यसभा मांय चर्चा-प्रधानमंत्री नरेन्द्र मोदी कह्यो- विधेयक महिलावा मांय नुवी ऊर्जा अर भरोसा रो संचार व्हेला।
- मुख्यमंत्री अशोक गहलोत आज जयपुर मांय 1 हजार 410 करोड़ रुपया रा विकास रा न्यारा-न्यारा कामां री नीव रखी हर पूरा व्ह्या काम जनता ने सूप्या।
- मेरी माटी मेरा देश कार्यक्रम रा दूजा दौर मांय हर गांव स्तर माथे अमृत कलश यात्रावां रो आयोजन।
- राज्य मांय हाल ताई सामान्य ऊं 14 फीसदी बत्ती बिरखा-आवताचार-पांच दिन मॉनसून सक्रिय रेहवण रा आसार।

000

महिला आरक्षण ऊं जुड्या बिल माथे आज राज्यसभा मांय चर्चा व्हे रही है। इण मांय लोकसभा अर राज्यां री विधानसभावां मांय महिलावां सारू एक-तिहाई सीटां आरक्षित करण रो प्रावधान है। विधि अर न्याय मंत्री अर्जुन राम मेघवाल आज 128वों संविधान संशोधन बिल राज्यसभा मांय पेश कीनो। वे कह्यो के ई बिल ऊं देश मांय महिलावां ने मजबूत बणावण रा काम ने और बधावो मिलेला। मेघवाल कह्यो के ओ बिल अमृत काल काल मांय भारत ने विकसित देश बणावण री दिशा मांय खास कदम व्हेला। प्रधानमंत्री नरेन्द्र मोदी कह्यो है के लोकसभा मांय महिला आरक्षण रो प्रावधान करण वाळो बिल पास व्हे जावण ऊं महिलावां मांय नुवी ऊर्जा अर भरोसा पैदा व्हेला। वे आज संवारे लोकसभा मांय कह्यो के ओ फ़ैसलो देश ने नुवी ऊंचाई ताई ले जावेला।

.....

प्रधानमंत्री कह्यो के महिला आरक्षण ऊं जुड्यो बिल पास व्हे जावण रा स्वर्णिम क्षण ने भारत री संसदीय यात्रा मांय हमेशा याद कर्यो जावेला।

लोकसभा ई बिल ने काल पास कर दीनो हो।

000

स्वास्थ्य अर परिवार कल्याण मंत्रालय छम्ज च्छ काउंसलिंग 2023 सारू स्नातकोत्तर पाठ्यक्रमां री कट-ऑफ प्रतिशत घटा दीनी है। अब सगळी श्रेणियां मांय क्वालिफाइंग परसेंटाइल शून्य कर दियो ज्यो है। मेडिकल काउंसलिंग कमेटी कानी ऊं काल जारी अधिसूचना मांय ओ ऐलाण करी ज्यो। जो उम्मीदवार राष्ट्रीय पात्रता सह प्रवेश परीक्षा स्नातकोत्तर छम्ज च्छ 2023 परीक्षा मांय उपस्थित व्ह्या हा, वे अब काउंसलिंग प्रक्रिया मांय भाग लेवण रा पात्र व्हेला। मेडिकल उम्मीदवार आधिकारिक वेबसाइट उबबण्दपबण्पद माथे नोटिस देख सके है।

00000

केन्द्र सरकार विज्ञान, प्रौद्योगिकी अर नवाचार रा हलका मांय नुवा राष्ट्रीय पुरस्कार देवण रो ऐलाण कीनो है। आं ने राष्ट्रीय विज्ञान पुरस्कार कह्या जावेला। ओ पुरस्कार वैज्ञानिकां, प्रौद्योगिकीविदां अर आविष्कार करण वाळां ने विज्ञान, प्रौद्योगिकी अर नवाचार रा हलकां मांय बेहतरीन काम करण सारू दियो जावेला। ईनाम सारू चार श्रेणियां विज्ञान रत्न, विज्ञान श्री, विज्ञान युवा-शांति स्वरूप भटनागर अर विज्ञान टीम व्हेला। ई ईनाम सारू नाम हर साल 14 जनवरी ऊं राष्ट्रीय विज्ञान दिवस 28 फरवरी बीचे मंडाया जा सकेला। अ ईनाम जीतण वाळां रा नाम रो ऐलाण 11 मई ने राष्ट्रीय प्रौद्योगिकी दिवस रे मौके कर्यो जावेला।

000

मुख्यमंत्री अशोक गहलोत आज जयपुर मांय 1 हजार 410 करोड़ रुपया रा खर्च वाळा विकास रा न्यारा-न्यारा कामां री सरूआत कीनी अर पूरा व्ह्या काम जनता ने सूप्या। वे जयपुर मांय मेट्रो रेल

परियोजना रा फेज 1-सी रा काम री नीव रखी। ई काम माथे कोई 980 करोड़ रुपया रो खर्च आवेला। मुख्यमंत्री जयपुर विकास प्राधिकरण रा कोई 430 करोड़ रुपया रा खर्च वाळा विकास रा 9 कामां री सरूआत कीनी अर पूरा व्ह्या काम जनता ने सूप्या। ई मौके मुख्यमंत्री कह्यो के माली विकास री रेट रा मामला मांय राजस्थान उत्तर भारत मांय अब्बल अर देश मांय दूजा पायदान माथे है। वे कह्यो के चालू माली साल रा आखिर ताई राज्य रो सकल घरेलू उत्पाद-जीडीपी 15 लाख करोड़ रुपया व्हे जावेला। गहलोत कह्यो के वे साल 2030 ताई इण ने 30 लाख करोड़ रुपया ऊं बत्ती ले जावणो तैय कीनो है। मुख्यमंत्री कह्यो के राजस्थान रा विकास री चर्चा पूरा देश मांय व्हे रही है। मुख्यमंत्री कह्यो के राज्य सरकार एके पाछे एक केई ऐतिहासिक फैसला कीना है। वे कह्यो के मिशन-2030 रा तहत विजन डॉक्यूमेंट बणायो जा रह्यो है , ज्यीं सारु हाल ताई 2 करोड़ ऊं बत्ता लोगां री राय ली जा चुकी है। मुख्यमंत्री कह्यो के कोटा री भांत अब जयपुर मांय ई ट्रेफिक सिग्नल री व्यवस्था खत्म करण रो काम चाल रह्यो है। कार्यक्रम मांय नगरीय विकास मंत्री शांति धारीवाल कह्यो के जयपुर मांय दो हजार करोड़ रुपया रा खर्च ऊं विकास रा काम कराया जा रह्या है। म्हाणा खबरनवीस बतायो के मुख्यमंत्री आज विकास रा केई खास काम जनता ने सूप्या।

000

आकाशवाणी जयपुर रा क्षेत्रीय समाचार एकांश कानी ऊं अंशकालिक संवाददाता सारु मांगी ज्यी अर्जियां जमा करावण री आखिरी तारीख बंधार 30 सितंबर कर दी है। उम्मीदवार अजमेर, अनूपगढ़, बालोतरा, ब्यावर, डीग, डीडवाना-कुचामन, दूदू, फलौदी, गंगापुरसिटी, जयपुर, जयपुर ग्रामीण, जैसलमेर, जोधपुर ग्रामीण, केकड़ी, कोटपूतली-बहरोड़, खैरथल-तिजारा, नीम का थाना, प्रतापगढ़, पाली, सलूमबर, सांचौर अर शाहपुरा जिलां मांय अंशकालिक संवाददाता रा तौर ऊं आकाशवाणी समाचार, जयपुर साथे काम करण बाबत् अर्जियां दाखिल कर सके है। उम्मीदवार पूंदमेवदंपतण्हवअण्पद वेबसाइट माथे अबंदबपमे टेब मांय जा र अर्जी रो मजमून अर पी.टी.सी. गाइडलाइन देख र वां रा हिसाब ऊं अर्जी दाखिल कर सके है।

0000

कांग्रेस रा नेता राहुल गांधी रो थावर ने जयपुर आवण रो कार्यक्रम है। वे मानसरोवर हलका मांय शिप्रा पथ परां प्रदेश कांग्रेस रो नुवो दपतर बणावण रा काम री नीव रखेला। ई पाछे राहुल गांधी रो जनसभा ने सम्बोधित करण रो कार्यक्रम है। सभा मांय पार्टी रा राष्ट्रीय अध्यक्ष मल्लिकार्जुन खड़गे समेत केई आला नेता अर संगठन रा ओहदादार मौजूद रेहवेला। राहुल गांधी रा दौरा ने ध्यान राखता थकां कांग्रेस री ओर ऊं जरूरी तैयारियां करी जा रही है। मुख्यमंत्री अशोक गहलोत पार्टी रा प्रदेश अध्यक्ष गोविंद सिंह डोटासरा अर दूजा नेतावां सागे आज मानसरोवर जा र सभा री प्रस्तावित ठौड़ रो दौरा कीनो।

000

राज्य मांय 80 साल ऊं बत्ती उम्र रा बुजुर्गां अर 40 फीसदी ऊं बत्ता दिव्यांग श्रेणी रा विशेष योग्यजन मतदातावां ने आवता विधानसभा चुनाव मांय घर ऊं ई वोट देवण रो सुबीतो दियो जावेला। प्रदेश मांय वोट देवण वाळा 18 लाख 5 हजार ऊं बत्ता जणां ने आवता विधानसभा चुनाव मांय ओ सुबीतो मिलेला।

000

युवा कार्यक्रम अर खेल मंत्रालय अर संस्कृति मंत्रालय री ओर ऊं मेरी माटी मेरा देश अभियान रा दूजा दौर मांय राज्य रा सगळा जिलां मांय अमृत कलश यात्रावां राखी जा रही है। नेहरू युवा केंद्र रा राज्य निदेशक महेंद्र सिंह सिसोदिया बतायो के 30 सितम्बर ताई हर गांव मांय अ कार्यक्रम व्हे रह्या है।

.....

000

असम रा मुख्यमंत्री हिमंता बिस्वा सरमा आज कोटा मांय भारतीय जनता पार्टी री ओर ऊं निकाळी जा रही परिवर्तन संकल्प यात्रा मांय सिरकत कीनी। ई मौके वे कह्यो के देश मांय सब ऊं बत्तो महंगो पेटोल-डीजल राजस्थान मांय है। वे कांग्रेस माथे चुनाव री बगत मुफ्त योजनावां लावण रो आरोप मांड्यो।

000

राज्य मांय ई चौमासा मांय औसत ऊं 14 फीसदी बत्ती बिरखा व्ही है। राज्य रा आतूणी ज़िलां मांय सामान्य ऊं 43 फीसदी बत्ती जद के ऊगणी ज़िलां मांय सामान्य ऊं दो फीसदी कम बरसात व्ही। मौसम विभाग री ओर ऊं मिली जाणकारी रे मुजब राज्य मांय 425 दशमलव 4 मिलीमीटर सामान्य औसत बारिश रे मुकाबले हाल ताई 487 मिलीमीटर बिखा व्हे चुकी है। विभाग रे मुजब 15 ऊं 20 सितम्बर रे दौरान केई ठौड़ां ज़ोरदार बिरखा व्ही। महकमा रे मुजब आवता कुछ दिन राज्य रा ऊगणी हलकां मांय चौमासा री बिरखा व्हेला। काल ऊं 26 सितम्बर ताई कोटा, उदयपुर, भरतपुर अर जयपुर संभाग मांय कठे-कठे बिरखा रा आसार है।